



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXV.

urn:nbn:de:hbz:466:1-42840

qui ei confitebantur, docebat semper aliquod genus obsequij erga B. V. Sub mortem lachrymans illud hymni veteris repetebat: *Pia Mater, & humilis, Natura memor fragilis, In huius hora fluctibus Nos rege tuis precibus.*

Eos qui nobis confitentur, docere cultū B. V.

693 Sub hunc fere annum edidit P. Nicolaus Longobardus in Sinis, idiomate Sinico, *Vitam Beatiss. V. Maris.*

694 P. Gaspar Paranympus paupertatis amorem cum præcipuo erga DEI Matrem amore ita coniunxit ut ipsa Beatissima Virgo illum laudans, de illo dixisse feratur; eum DEO vnicè charum esse, ob singulare studium paupertatis.

obiit 1624 in Sicilia. Paupertatē amare.

695 P. Ioannes de la Bretesche animi anxius olim, ac deliberabundus quem religiosorum ordinum amplecti deberet, visus sibi est de manu Beatissimæ Virginis vestes omnes quibus Societas uti consuevit, accipere; atque illā porrigente illis esse indutus. Inde illi per omnem vitam in Societate cordi fuit longè studiosissimus DEI Matris cultus; quem firmabat, ornabatque humilitate potissimum, & carnis perpetuo cruciatu, dignus *vestimento salutis* accepto.

ab. Parisijs 1624. 20. Nou. Vocatio. Manè. Vestes illi dedicare.

ANNO MDCXXV.

696 P. Albertus Grodsiensis per omne vitæ in Societate actæ tempus, quouis die Sabbati Deiparæ coronam accuratè recitavit pro eorum in Societate constantia quos in tirocinio sacræ militiæ commilites habuerat: idque se per annos quindecim nunquam omisisse moriens affirmavit. S. Ioannes Damascenus de B. Virgine: *Spes, & firmamentum fidelium (Nouitiorum) & refugium, ac virtus eorum.*

ab. 1625.

Orare pro Nouitijs.

m. s. ser. 6.

697 Simon Buccerius Coad. cum hoc anno 1625.

Y Y 2

heb-

In rebus
agendis fi-
ducia uti
erga B.V.

Alios in
B.V. cultu
instruere

Spec. B.V.
fol. 44.
col. 3.

m. s. Mar-
taccij or.
3. in Dor-
mit. B.V.

ob. 1625.

hebdomadâ sanctâ DEO quiddam negotij enixius commendaret, præsentem sibi, & rei totius curam suscipientem CHRISTI Matrem conspexisse fertur; & animum hætenus anxium sensisse fiduciâ dulcissimâ hilaratum. Præceptum aiebat sibi tunc esse à Virgine, vt Nouitios omnes (quibus à Magistro Nouitiorum datus erat, utijs prouideret) præcipuâ quadam erga Deiparam, ac B. Stanislaum obseruantia fiduciâque accenderet. Fecit id ille: & nocte Assumptæ Deiparæ ab ipsa Regina gloriæ, ac à B. tanislao visitatus dicitur, & recreatus; cum Deipara ei liberaliter indulgisset, vt cum B. Stanislao diutius versaretur. Hæ sunt deliciae illius Reginae, cui cum S. Bernardo S. Bonaventura sic loquitur: *Tu charissima in delicijs tuis tracta es ad gloriam decoris tui, & in signum dilectionis.*

698 Potosij in Perù hoc anno diem extremum clausit *Didacus Alphonsus* Nouitius die 13. Augusti, vt ipse disertè fore prædixerat. Biduo ante obitum ab ea quam eximie semper coluerat Virgine visitatus putatur: & plenus gaudio affluebat. Negabat tamen visam sibi faciem cælestis Dominæ, sed vestem duntaxat. Si tantæ lætitiæ causa fuit conspecta vestis; quid erit videre gloriosum illud corpus eiusdem Deiparæ Virginis in cælo, quod corpus, S. Andreae Crentsi Archiepiscopo dicitur pretiosissimum Virginitatis vasculum, latissimè patens beatissimâ pristina pulchritudinis effigies, ineffabilium Dei iudiciorum obligati à Deo thesauri custos, domicilium virtutum, inexplicabile plenitudinis non euacuabilis omnia in omnibus implentis profundum, munitissima turris arcane spei, celeberrima diuini nobiscum contractus officina.

699 P. Georgius Voglerus scripsit Germanicè *Fontem consolationis, qui est Maria, & Ioseph*, pro omnibus

nibus afflictis, Herbipoli. Item de peregrinatione ad B. V. vt refert Marraccius in Bibliot. B. V. P. *Frāciscus Torresius* moriens, amorem & cultum B. V. legauit socijs, & meditationes quas de illa conscripserat.

ob. 1625.
Messan. e.

700 P. *Lauius Vouters* cū, comite quodam Nonitio, iter pedes conficeret, impendentem capiti pluuiam, recitatis B. V. Litanijs, eiusdem Virginis patrocinio suspensam tantisper expertus est, dum eo ad optatum terminum appulso, illa se impetu magno effudit. Ea quæ patiebatur in carcere hæretico, per diuinæ Matris manus diuinæ gloriæ dedicabat, & velut in armario deponebat, iuxta vetus illud responsum apud Baronium: *Regis Messie Mater erit armarium gloriæ Dei.*

ob 1625.
28 oct.
Antucrip.

Iter.

in Appara-
tu tom. I.

701 De *Bona spei Domina* hoc anno reperta habet egregiam elegiam P. *Antonius Deslions* inter elegias anno 1631. Atrebatim impressas de cultu B. V. Is locus & religione & prodigijs celebratur. Hoc item anno Romæ Italicis typis vulgauit vitam IESV, & MARIE P. *Antonius Sanctarellus.*

Vid. hic
n. 705.

702 De *Ioanne Eggre* hoc anno inter charitatis Heroës *Alegambe*; Eluxit, inquit, in eo in B. Virginem adeò singularis affectus, vt ad conciliandam illi Bredanorum ciuium uenerationem, in eam Urbem, cū Batavis fuisset erepta, prægrandem eius effigiem, suis humeris, calceamentorum soleis depositis, palàm omnium in oculis lætus intulerit. Custodi, inquit S. *Ioseph Poëta*, ò *Deipara*, ciuitatem tuam! *Stabilimentum nostrum!*

ob. 1625.
Antuerpie

Imagines
B. V. cele-
brare.

Ode 7. &
8.

703 P. *Maximilianus Schmidt* edidit *MARIAM uicttricem*, seu *victorias ope B. V. reportatas*: *Hyperduliam Marianam*, seu *cultum B. Virginis, exemplis demonstratum*. *Hermannus Ioseph* ad B. V. *Gaude*, inquit, *cuius dulcis amor Est in corde fortis clamor;*

ob. 1625.
Herbipoli.

in hymno
veteri.

Quem

*Quem dum presens experitur, Cor, & pectus aperitur:
Ægrotat ardens animus.*

*Anagrā-
mata Ma-
riana.*

704 Per hosce annos Tyrnaviæ Patres Adamus Hollouitius, & Ioannes sednik iunctis vnâ pij ingenij viribus, attemperatè planè ad pietatem & ingenium paruulorum, cum noui præfecti Sodalitatis clauum capefferent, & sæpè alias, de B. Virgine varia in scenam dedere. Plausum habuere inter cætera etiam Anagrammatismi MARIANI; quando singulorum paruulorum frontes character vnus aureus occupabat in hanc v.g. sententiam: MARIA VIRGO; vel aliam. Tum paruuli variâ & piâ iocatione, artificiosâ concursatione, ac loci permutatione, aliam ex alia sententiam vario ac iucundo anagrammate faciebant: e. g. quale esset illud: AMOR RIGAVI. &c, Hæc vt vt sint tenuia, dulces tamen scintillæ sunt inflammandis eâ illecebrâ mentibus paruulorum.

*5. Augusti
S. 4.*

*In hymno
vet.*

705 Georgius Coluenerius Duaci Præpositus, & cleri decus, in erudito illo suo Kalendario B. Virginis; iuxta Valencianas, inquit, in nemore Ducis Arschoani, per Valentianenses Societatis IESV discipulos ad Quercum affixa imago lutea B. MARIA Foyensis, quam *Bene Spei Dominam* appellarunt, cœpit paulò post clarere miraculis, de quibus extat libellus. Hæc ille. Hæc est illa spes, cui Ioseph Hermannus: *Gaude, mea Procuratrix, Peccatorum excusatrix; Gaude, Mundi clara dies, Cordis mei grata quies; Te mihi da in premium.*

ANNO MDCXXVI.

706 P. Didacus Diaz Vallisoleti Mexicanorum, cum hominem, cui confessionem persuaserat, confitentem audiret, vidit illum violento impetu, è loco sacri tribunalis auelli. Ergò detractam quam è col-